

protestor domino Ortgiso me nullum feodum in dictis bonis recognoscere neque umquam eosdem agros ipsi in feodo porrexisse, ipsam quoque sigilli mei munimine duxi roborandam. Testes hujus rei sunt: Henricus canonicus majoris ecclesie in Verda, Zacharias provisor ecclesie beati Galli in Lewenroth, Volcoldus de Hanense, Henricus de Bledenem, Theodericus de Prome, milites, et alii quam plures <sup>1)</sup>.

(Das Siegel abgefallen.)

Königliches Staatsarchiv zu Hannover.

- \* 2. Der Hannoversche Rathsherr Conrad von der Neustadt überträgt eine Rente von sechs Schillingen, welche er den Fabrik-Registern der Kirchen St. Egidii und St. Spiritus schuldet, von einem Hause auf ein anderes. 1300, Juni 29.

Nos consules in Honovere tenore presentium publice protestamur, quod constitutus coram nobis Conradus de Nyenstat, socius nostri consulatus, pensiones sex solidorum nostre monete, erogate ad fabricam ecclesiarum beati Egidii et sancti Spiritus nostre civitatis in quadam domuncula, que Denkeres tornatoris fuerat, in curia sua totali, idem Conradus cum consensu heredum suorum provisoribus, qui oldermanni dicuntur, earundem ecclesiarum tres solidos in festo Michaelis et residuos tres in festo pasche percipiendum demonstrabat quovis anno. Cum autem dictus Conradus et sui heredes predictas pensiones in alia domo seu domuncula predictae domuncule eque bona ad dictam fabricam comparaverint, jam dicta curia ab hujusmodi erit libera et soluta pensionibus. In cujus rei testimonium nostre civitatis sigillum presentibus duximus apponendum. Datum anno Domini M<sup>o</sup>CCC<sup>o</sup>, in festo beatorum apostolorum Petri et Pauli <sup>2)</sup>.

(Bruchstücke zweier Siegel.)

<sup>1)</sup> Abgedruckt in der Zeitschr. des histor. Vereins für Niedersachsen, 1868, S. 118 f.

<sup>2)</sup> Nach Moser, Hist. u. dipl. Belust. V, S. 252 f. fehlerhaft abgedruckt in unserem Urkundenbuche der Stadt Hannover I, S. 71 Nr. 76.